

松

風

閣

詩

鈔

松風閣詩鈔

長洲 彭蘊章詠莪

卷之十九 金鰲集 古今體詩六十八首

乙卯正月六日

天壇散直偕陶臯薌少宗伯暨同郡諸君子祀文昌尊

神於長元吳鄉館禮成恭紀

梓潼神祀廿年餘

自道光癸巳設位致祭後迄今已二十三年

鄉館儀型溯

最初

時太傅潘文恭公暨諸同人以會館爲先大司馬芝庭公創建并附祀公

第一巍科書

不盡

館建於乾隆庚辰其中狀元題名自丙戌張西峯宮允始凡九人其中三元者錢湘船閣學一人以

前皆不載

無雙國士望非虛戴雉星朗人文萃執爵春融淑

松屋閣詩集卷之十一
景舒領袖粉榆老宗伯神絃雅什重瓊琚

夢遊仙山吟爲陸稼堂中丞作

人生不得遊蓬瀛餐霞常伴安期生亦當暫住芙蓉城
手攜仙子周瑤英仙山縹緲無緣升聊託幽夢移君情
恍如煉得丹砂成聳身碧落乘雲輶仙風琅琅雜鳳笙
忽開奇境羣峯青松濤萬壑側耳聽白雲萬丈天冥冥
雲中一鶴飛且鳴翩然而來誰使令崖閒奔鹿不食苹
飼以芝草斑晶瑩先生兀坐擁翠屏儼如卓錫禪定僧
蜺裳侍立兩娉婷玉姜煉髓三千齡何人策蹇來相迎
上清童子雙眸澄山深林遠喚不應南柯一枕遽然醒

醒來不識山之名繪圖縑素留其形君不見太白斗酒
詩縱橫夢遊天姥心怦怦洞天石扉開層層日月照耀
山清明先生早讀疑龍經芒鞋竹杖千山登感茲奇夢
若有靈神仙可學儕飛瓊邇來收視觀三庭泥丸玉液
潤體輕喟余白髮久星星終日塵網還相縈安得從子
圖中行更勝乘槎牛斗淩滄溟

聞吉雨山中丞

爾杭阿

元旦克復上海

海涇烽煙暗驚心歲月更青旗回暖律鐵甲破堅城驚
堠傳書急龍韜奏績成

中丞蒙

恩賞加

鄉關常入夢

喜聽凱歌聲

聞叅贊郡王僧

格林沁

收復連鎮生擒首逆盡殲

其黨卽日移師高唐掃蕩餘匪

藩王勇略冠羣英北地於今洗甲兵設阱果能擒困獸
橫江還欲翦長鯨畿南萬騎征鞍解山左孤城戰壘橫
計日移師殄餘孽嫖姚從此告功成

曹鼎泉通政

恩潑

歿十年矣卜葬於都城東郭外

爲書墓道碑志感

十年孤櫬託禪房東郭纔營尺土藏門第不堪尋舊蹟
妻孥還復滯他鄉家山路杳烽煙隔蒿里春深草木長
歎我白頭歸未得爲君題墓淚成行

送詩船少宰視學順天

詩緣畫癖遣三餘漫叟難將結習除宦久何曾拋翰墨

老來未暇問樵漁閩南桃李思嘉植

先生會典試福建

冀北雲

山擁使車畿輔近多忠節事採風到處望旌閭

滄州等處前年

被兵殉難士女恐尚有未邀旌典者使車所至急望表彰

篋中舊藏定武蘭亭本爲道光初陳碩士閣學用

光所贈歲久蠹蝕重付衰池因志一律

山陰林下集賢多曲水風流記永和一篋芸香難辟蠹
數行古刻羨籠鸞平生交舊如殘雨文字因緣歎逝波
重敘蘭亭又三載黃塵歲月易消磨

二月初六日

經筵侍班禮成恭紀

丹宸箴餘懋惕乾儒臣稽古啟瑤編

綏疆秉燭親籌筆

典學談經蒞講筵

宵旰思艱圖致治

四書講義爲君難二句

冰淵慎德懷承

先

經書講義慎乃儉德二句

禮成與宴

恩光被更喜飛章凱奏傳

是日得參贊大臣僧格林沁山東捷報知高唐剿匪大勝

吳琢如廉使

廷棟

入覲來京書以奉贈

典郡河間歲月侵

君由河間守游升今職

巖城保障抱憂深愛民

能盡幾分力報

國無虛一片心遷秩早看辭墨綬觀

光還欲罄丹忱願將廷尉持平意播作畿疆大旱霖

前君

在刑部深明律意折獄持平近畿時方憂旱

見凱旋官兵作

鏡吹聲中返使車凱旋甲士樂于胥貉貅殺氣銷軍帳
楊柳春光滿故廬馬上相看驚歲改夢中猶似出征初
論功行賞生還慶舊侶飄零百戰餘

清明日作

去鄉只爲戀浮名邱壟常虛薦菜羹歎我行年六十四

客中三十二清明

上巳日隨扈

西陵初六日隨

駕恭謁

慕陵禮成回至秋瀾恭紀

山陵修展謁肅駕啟

皇情兩載事征戍勞民役暫停大禮詎久曠感茲霜露

零獨言勤

鑾輅畿西三日程

西陵次第謁樞臣陪

慕陵

成皇猶及事攀搖歲月更

聖王躬孺慕下馬動悲聲羣僚皆愴惻九叩淚縱橫昨夜風揚沙是時天朗晴

孝思驗昭格矜甿來

神靈念自橋山痛五年勞甲兵

宵旰修

主德瘡痍恤民生亨屯闢世運天道豈冥冥泣籲在天佑江漢殲長鯨萬戶安耕鑿重瞻海內平

聞武昌復陷陶問雲巡撫

恩培

死之感而有作

公昔宦京華諫臺聲卓卓姓名書

御屏一塵泣南嶽粵寇方相侵巖疆軍令肅倉猝保危
城萬戶今尸祝超遷陳臬事持平釋疑獄江左來旬宣
寬政示民牧楚北屢瘡痍撫綏賴當軸

帝簡重賢能輕車堪就熟公至收殘兵黽勉籌金粟晝
巡水上軍夜聽城頭角手疏奏

九重猶期

命不辱全力爲江防寇至却從陸奸民內相應戎起莽
中伏奮臂竟捐軀父老吞聲哭骸骨幸可收未葬江魚
腹嗟哉洞庭東幾度三軍覆昔時歌舞場瓦礫今滿目

不聞雞犬音但見豺狼躅援兵久不至節鎮頻退縮愚
民無所依脅從盈萬族誅之則不勝縱之肆荼毒堅城
如摧枯藹茲蓼與六作計將安施設險江流束下扼小
孤山上守道士泐何人握重兵喪師師日蹙不如楚莫
敖知恥縊荒谷

胡實甫

希周

避地休甯遭寇被害詩以哭之

誤憑龜卜移家去誰料鴻飛網自罹避地忽然驚寇至
捐軀何必守陴時寓公白髮情猶壯故里青山買已遲
早識闔閭城尙在枉教邱首負心期

老來漸覺故人稀半上邗山半退歸况值狼烟驚斥堠

更聞鵬血洒征衣詩因哭友音逾苦論到匡時志亦微
宋玉招魂悲不盡都緣世事與心違

高唐餘匪殲擒已盡北路肅清蒙

恩賞給優敘恭紀

褒勤考績纔三月

本年正月奉

京察大典旨交部議敘

又拜

新綸告捷時千里羽書還未至

九重勝算已先知藩王忠勇軍聲壯介弟謀猷碩畫資
南望烟塵暗吳楚鯨鯢戮盡

詔班師

題畫鍾馗二首

終南魑魅宅仗劍嘯聲寒捷徑何人到憑君冷眼看
朝朝啖鬼何能飽君亦難辭餓鬼名未若空山常服氣
好臻上壽更神明

韋君繡茂才

光祿

吳之詩人也著有在山草堂集

予里居時君居城西無緣亟見心交而已近聞
吳人多避地山居獨君無音耗詩以志懷

在山泉水清何似好比新詩不染塵長享貧中安樂境
豈知世有亂離人石湖秋月酬佳節鄧尉梅花玩早春
唱我家園歸計晚茅庵無地卜芳鄰

編成甲寅年詩一卷壽陽相國題詩見贈次韻奉

酬

翰林供奉饒仙風公直南齋三十餘年老來事業攢眉中公入樞廷

時海氛正惡近年又有粵匪之患清聲昔比九皋鶴遐舉今如千里鴻

秉鈞伊始時猶泰培植善類麻扶蓬比年南服勞兵戎

司農籌饒憂心忡軍興四載公總理司農籌畫軍精憂勞更甚詩篇聊爾寫

智臆不煩雕琢求詞工病餘竟作支離叟敘勞還荷

君恩厚北路肅清公於致仕後尚蒙甄敘懸車雖已去鵷班歸田未暇

瞻馬首壽陽古名馬首公著有馬首農言一書紀農事民俗坐看江上掃烟塵待

獻凱歌傳萬口

附錄原作

北窗危坐吟松風晚涼拔我炎燂中長吟未已三歎
息猛虎自飽哀飢鴻崑岡玉碎盡抵鵲誰家髻婦如
飛蓬知君籌筆關軍戎退食倚燭心忡忡虞廷賡歌
亦咨傲詩以言志非徒工卷中每及衰病叟憂患相
知意彌厚昨聞河北已肅清江漢滔滔重回首何當
一雨洗甲兵更復催詩開笑口

五月十七日

上御西苑勤政殿

賜奉命大將軍惠親王叅贊大臣科爾沁親王僧

格林

沁暨從征大臣軍機巡防王大臣筵宴

本朝詩金 卷之二
頒賞有差禮成恭紀

參謀萬騎凱歌回飲至從容便殿開千戚舞餘聽古樂
膳饁分罷酌深杯題名麟閣應無愧奉職綸扉許共陪
更盼烽烟靖吳楚東南諸將策勛來

題王少鶴農部

錫振

龍壁山房詩鈔用卷中直廬

寒夜元韻

變雅傳來激楚聲杜陵歌泣不勝情蠻荒策馬風烟暗
蝸陞簪毫歲月更奇峭宛如昌谷集丰神還似玉溪生
人間箏筑多凡響聽到雲璈耳暫明

五兒祖夔至京述家鄉近狀感而有作

少小遊京門不習故鄉土俯仰寡歡心凌風羨遐舉滯
留七載餘今來歌將父江上多烽烟風鶴驚行旅布帆
竟無恙秣馬經齊魯故壘已無人驛路猶旁午驅車達
帝京解鞍得我所匣劍攜防身笈書資攷古好拂征衣
塵聯牀樂雁序佳節明榴花晨餐剖角黍團坐話家園
茫茫抽萬緒自從用兵來遷徙靡安宇兩三朋舊人相
失不知處海壖已斬鯨堅城還踞虎守望敢辭勞螳臂
難禦侮民力亦旣殫持籌空畫肚未著祖生鞭徒效劉
琨舞我聞重咨嗟髯張目並弩豈惟念吾鄉寇氛連皖
楚無術掃欃槍謀臣爲氣沮白髮已盈簪歲月不我與

日暮填溝壑何能效補苴

丹屣懷冰淵赤舄勤握吐羣才翊

皇圖智略兼文武竭茲薪膽情

昇平可復覩汝曹力正強黽勉忠誠抒王路待馳驅澄
清自期許有時登疆場行閒聽桴鼓十乘非所希一命
亦報

主衽席保良民刀鋸加醜虜衆志可成城莫歎手無斧

華陽相國屬題荷舟聽雨圖爲公乙未典試江南

時作

問梅社裏誦新詩

道光丙戌公僑寓吳門與家叔父結問梅詩社

京國相逢年

舊知猶憶

彤廷曾對策恰先羣彥拜經師

是年春闈公爲殿試讀卷官余以二甲得列門

牆是秋公卽

典試江南

荷香聽雨話清樽半寫遊蹤半紀

恩鶴髮平章攜玉尺春風桃李又盈門

庚戌公典試春官

燕子磯頭記舊遊江天明月照清秋於今蘆荻風烟暗

悵望中流士雅舟

廿年十度詠槐黃

自乙未至壬子凡閱鄉試十科

幾輩重登選佛場天

上玉幢今不見清涼山色冷斜陽

今科因江南軍務未竣展緩鄉試

追懷海洪寺永丰上人

圓寂茅庵四十年輪回知汝在人間
今生德慧前生種嶽嶽懷方九棘班

追懷靈鷲寺一杉上人

曾說天台舊侶招却從吳苑認垂髫
去時未刻塵根斷還建牙旗看海潮

許星叔中翰

庚身

屬題尊甫玉年先生遺墨山水

畫卷回想曩蹤慨然賦此

丁卯風流擅雅才燉煌綰綬綬鶴歸來含毫猶憶詩情劇
生面曾將畫本開什襲遺編鵠鵲觀低徊舊事鳳凰臺
西湖宿草空惆悵澆墓何年酒一杯

袁浦歸來共一舟

嘉慶庚午夏日事

敲詩讀畫不知愁清溪甥

館悲歡雜茂苑衙齋歲月道策馬秦關歌折柳銜杯燕
市憶登樓紅塵重覽倪迂筆林壑蕭疎滿目秋

扇子湖觀殘荷有感

湖山一別幾春秋策馬重來憶舊遊落盡紅妝餘翠蓋
十分寒色水西頭

題惲南田畫山水小景八首

白雲一塢望冥冥隔岸人家倚翠屏幾樹梅花春意滿
扁舟江上看山青

一閒亭子三株樹秋意蕭疏尺幅中知有倪迂宗法在

東坡詩集卷之二十一
草衣募本妙能工

富春山色我曾遊燈火樓臺聚一邱
移艇烟波深處泊
滿江春水碧於油

緣山修竹自成叢百道飛泉一峽中
巨石橫空人迹少
往來岩下只清風

茅亭高倚玉山岑遠樹迷離入望深
天矯雙松森百尺
聽濤有客話松陰

倚天絕壁挂枯藤只許狙公側足登
松竹參差誰結屋
此中高卧有孤僧

楓林秋色染輕丹獨客尋詩拄杖還
極目歸帆天際遠

空江山翠有無閒

杈枒古木帶風烟
磐石輪囷卧澗邊
只有數竿修竹淨
臨風婀娜有餘妍

孔脩師同直樞廷賦呈一首

兩度綸扉駒隙過
重來獻納計如何
同搔白首思籌國
欲點黃金并塞河
戎馬南疆軍精少
螭鴻北地苦音多
望公早運扶天手
海內蒼生息荷戈

附錄和作

瞥眼韶光電影過
樞垣重到感如何
呼庚頻告紆籌策
洗甲誰能共挽河
地密心知垂戒切
材庸身懼受

恩多吾儕努力思宏濟

宵旰憂勤望止戈

八月初八日查工遵化夜宿夏店書懷八首

鳩工馬首復瞻東雨霽燕郊落日紅却憶兒曹同獻策
鎖闥燈火漏聲中

雨後泥深路曲盤肩輿才了客眉攢回思度地曾呼渡
秋水秋風幾度寒

水村禾稼已登場隔岸人家荷擔忙幾旬於今還樂土
不知烽火暗江鄉

茅店曾經信宿來秋荷依舊向人開當年頗識幽居味

千里家山首重回

堯峯墓舍地三弓更有高山舊梵宮
未卜何年歸掃榻心如倦鳥夕陽中

聞說吳儂避地忙結廬巖谷廢糟糠
十年兩度遭時變五尺兒童屢去鄉

鶴唳風聲訝八公家書頻到訴囊空
布衣疏食平生給只在山田一頃中

蒼狗浮雲變相奇靜觀人事亦如斯
窮通休向君平卜清夜焚香只自知

棗林待渡口占

村居閑詩集 卷之一 十一
旅客停車驛路邊板橋斷處聚人烟秋高露重蟬吟樹
雨後波深馬上船野寺鐘聲聽不厭遠山雲氣畫難傳
此身偶出黃塵外便覺登臨心曠然

十二日恭詣

景陵查勘工程瞻仰明樓方城敬紀一首

冲齡踐祚濟時艱坐致昇平六十年戡定三藩清禹甸
撫綏九有樂堯天寬臨俗美刑章減厚下

恩深正賦蠲

緯武經文開萬禩

邦基永奠慶長延

山水暴漲車行水中十五日至燕郊適遇大風雷
雨時有顛覆之憂幸卽放晴日暮艤舟至通州

卽次望月書懷

久雨山水注驛路成川塗行役已勞苦狂飈吹我車輿
夫走顛仆征馬立踟躕所幸旋開霽待渡扁舟呼嚴城
暮將閉卽次我僕痛是時千門靜玩月人歡娛旅客對
清暉惆悵行蹤孤炊飯謀果腹攬衣聽啼鳥無緣乞佳
釀潤我詩腸枯

過八里橋作

憶從校士初經此

甲辰春由京兆丞考校
順天二十二屬文童

兩度重來渡

石梁壬子秋奉命赴倉場查辦事件流水送將人面改斜陽閱盡馬

蹄忙連營已撤貔貅隊夾路時聞秔稻香風景不殊愁

緒結十年旅夢鬢絲霜

九月初十日順天鄉試榜發四子祖賢中式翌日

率同詣

圓明園宮門謝恩恭紀

踏遍槐花十九年祖賢自丁酉至今應南北鄉試十次同袍幾輩著先鞭

漢廷任子承

恩早元年恩廕授戶部主事虞陞班師

賜秩偏今夏北路凱旋余蒙恩賞加三級祖賢亦蒙賞升銜科第還思三策獻

姓名已向

九重傳

是日召對時上問汝子彭祖賢今年巡防事竣得何議敘

追維世業青箱

古紅杏常栽傍日邊

余家自伯祖蔚林公至余三世以官卷中式者凡十人今祖賢復以

官卷中式累世叨恩不勝榮幸

對菊飲酒示祖彝

對菊還堪把酒卮花應笑我鬢如絲江河千里歸舟遠

鴻雁二秋繫帛遲鐵硯漫嗟消壯歲銀章豈必是佳兒

庭前木葉紛紛下蕭颯情懷誰共知

周采三

曾毓

屬題陶澗山

懷玉

所畫藥草山房圖

山梁烹雉老經師

采山令祖十蘭先生與先伯父瑤圃公乾隆丁未同榜是科首題爲子路

共之二句先生用刑猶憶家園度地時先伯父卜葬於氏說作共其時物解

蘭先生入山度地幾及一載馬鬣一邱餘宿草龍門百尺茁孫枝冷

官無事同搜句道光初采三在國學余在內閣時聯吟詠試院難忘共下帷

嘉慶己卯余初應禮部試采三即於是科登第人海相逢皆白首豪情還託幾

篇詩

寥落吳門老畫師風流還記采芹時余與陶潤山同於嘉慶戊辰春遊庠

偶因送別懷千里爲寫生花筆一枝隱士滿庭栽藥草

經生終日閉書帷江楓漁火家山遠旅客天涯共賦詩

園居偶述三首

荆扉一閉忽三秋野蔓枯藤滿地愁掃徑恰逢梧葉落

披圖還羨竹林遊

沈鳳蟬爲余畫竹林六逸圖

慣隨曉月趨深苑

送斜陽倚小樓多感主人分廣廈一枝仍許借淹留

園分

孔修師舊居之半師今入直樞廷仍許借居

東籬佳會莫蹉跎黃菊開時興若何送酒無人酬令節

叩門有客賀登科烽烟滿地名心淡雨露一天

恩澤多白髮蕭蕭何所慕百年身世付謳歌

宗伯幽栖號似園

麟梅谷大宗伯園名

當年歡會此傾樽

壬子夏梅谷招

余偕祁春圃相國邵又村少宰穆清軒光祿同飲於此

裴卿挽粟猷彌壯

又村旋以漕帥

出都疏傳歸田道更尊

春圃相國因病致仕

三載屢驚人

依舊笑言溫

余與繼園少空同爲孔脩師門下士清軒少宰亦師舊屬

愧無籌

國安民略日與參知細討論

孔脩師新拜參知之命

冬日園居寄懷晁薌詩船兩先生城南

園居坐對石嶙峋車馬無喧遠俗塵晴日一窗蠅撲紙

秋花滿屋蝶依人攤書下酒春常住掃榻烹茶樂有真

白髮詩翁相見少閒吟索和不嫌頻

訪廣喬臣侍郎 林

出門訪友故交稀老病人從塞下歸

喬臣因病園寓

家近山林

終不俗心隨鷗鷺共忘機早知身外無榮辱豈與人間

競是非舊侶天涯相望處牙旗南北駕征騑

柏靜濤為熱河都統

福元脩巡撫安徽皆與喬臣同事

喜鳧蘄宗伯過訪

吾吳詩派溯歸愚取法唐人謹步趨宗伯一官今有繼

歸愚先生

遐齡九秩古無殊

歸愚壽逾九十今鳧蘄先生年已八十有四矍鑠健

步當更

山林嘯傲前賢迹簪笏從容晚景娛

歸愚入袞引退已久

今鳧蘄尙仕於朝

我亦杖鄉年早過耆英會裏尙相呼

凍蠅

冰天蠅不飛晴窗忽蘇凍止樊聲漸微鼓翼勢非衆夜
靜傍薰爐曉寒撲酒甕雖少吾猶憎揮麈遠相送

十一月初五日 漪瀾堂 名對作

燈火虹橋曙色催承光門外共徘徊湖天一望冰如鏡

無復扁舟喚渡來

侍從身依十二樓初寒天氣 賜珍裘

是日因賜裘道旁謝恩

可憐將士呼庚癸挾纁何能遍九州

嘉平十六日忝拜參知之

命紀 恩一首呈座師孔脩相國

釋褐纔逾二十春樞廬橐筆記前因廣寒夢到星辰近

密勿參知

雨露新蒿目頻年慚借箸捫心五夜愧

頒綸獨留佳話同朝羨師弟追隨有幾人

是日孔脩師與葉崑臣同

年俱卽眞揆席余與崑臣皆孔脩師門下士也

附錄和作

遲到瓊林已廿春鳳池同領豈無因樞垣襄贊依

光久

講幄旁求拜

命新

恩眷喜聞谷故實

宣麻前一日奉諭檢閣中故事

前塵猶記掌絲綸

微忱勉效慙余拙中外宣勞賴有人

崑臣端揆兼領封圻勤勞聿著

附錄壽陽祁相國和作

漢殿通經井大春金甌協卜豈無因不知帷幄論思

久爭羨風雲際會新師弟同朝三獨坐拜颺浹日雨

恩綸

宣麻數日即奉命經筵講官之

似聞黃閣

宣麻處已有彈冠

相慶人

簪毫香案幾經春出入聯鑣亦夙因一卧城南霜鬢

短回瞻天上日華新詩揮珠玉分堂帖

分惠春帖絹箋

雪壓

蓬茅憶釣綸極目江湖心萬里同舟還望濟川人

二十日偕孔脩相國師同至內閣復至翰林院履

任紀事

東閣揮毫憶舊遊瓊林未宴憾還留忽邀

特簡榮三錫得共羣英到十洲中祕

絲綸當日掌承明著作幾生修玉堂故事人爭說藥省

重叨

異數優

嘉慶朝章桐門相國由中書舍人入直樞廷游擢綸扉

除夕書懷

江湖彌望暗烽烟又到迎春送臘天
愁裏幾回逢改歲老來還欲賀增年
鄰家簫鼓齊行樂稚子青紅各鬪妍
獨有衰翁趨

闕早翦燈五夜不成眠

松風閣詩鈔

卷之十九

九

松風閣詩鈔

長洲彭蘊章 詠荻

卷之二十 借園集 古今體詩九十三首

恭和

御製新正喜雪元韻 丙辰

瑞雪慶連朝霑濡更達宵謳歌歡四野颺拜肅

中朝麥隴膏初潤花畦絮乍飄

撫辰

奎藻炳海寓卜豐饒

過扇子湖作

去時冰雪望嵯峨來日春光漾綠波剝復循環歸大造
生機轉處惠風和

題陸蘭坡孝廉漢翠筠館詩稿

朝來草檄下鑾坡吳會人傳白雪歌風雅正聲餘子少
激昂心事近年多一時名士爭投筆千里連營尙枕戈
我欲問梅尊舊夢黃塵走馬感蹉跎未山山時隨歸田諸先生結問梅詩
社今思此樂不可復得矣

五兒呈乙卯年詩一卷因書一律示之

詩病先醫俗澄源落想初次應求格律端在汰粗疏一
字敲能穩千言闕不如謹嚴唐十子未肯飾虛車

二月初十日

上御經筵 命臣偕吏部尚書花沙納左都御史聯順

戶部右侍郎何彤雲直講禮成恭紀

典學孜孜懋

聖修經筵論道仰

勤求中和理白曲臺得孚惠文從義畫搜四書講義致中和一節經

義有孚惠 萬彙昌時歸保合

一心肩處永綢繆

揆文奮武功兼備兵氣應看六幕收

二月十七日春雪初晴詣玉泉山

靜明園係直作兼懷壽陽相國城南

湖山一別幾春秋

蹕重來憶舊遊春雪融泥花徑滑水天開鏡溼雲收巖
前塔影迎眸聳橋下泉聲入耳幽遙憶城南風日美知
多清夢落滄洲

喜慰高至

聞警匆匆歸故里重來曾未息烽煙江河險阻驚初定
骨肉睽離夢乍圓通籍成均仍造士

慰高由學正假歸
今蒙恩升助教

掄才鎖院正求賢四門還欲修儒業勿負初心鼓篋年

春雪連朝餘寒特甚口占一首

已過春分雨雪霏

九重咨儆念民依

連日名對軫念民瘼

麥苗出土根猶淺

春寒憂歲饑

中原河患歎頻仍
輓粟東南渤海行
畿輔何堪遭歉歲
磬罄萬戶繞春城

壽陽相國和奉懷詩見示復疊前韻奉柬

樞院追隨又四秋
簪毫鵠立溯前遊

章前侍公樞廷四載止又共事四年

忠肝每向陳謨吐
躁氣常教侍坐收
解組身閒詩宕逸

蓺花徑僻夢清幽
只憐咫尺城南路
遠比塵寰望十洲

別後相見日稀
徒殷想望而已

恭和

御製玉蘭元韻

清漪玉樹供

宸賞屈指佳辰過浴蘭一點紅塵渾不染何須祓濯到

江干

素豔亭亭別館前飛花飛絮暮春天宗之瀟灑臨風處
修潔應教重此賢

恭和

御製清漪園卽事

上巳前一日

元韻

御園風景自清華疊石幽深樹更嘉檻外湖光新漲合

簷前山色淡雲遮
天回畿甸春千里
地接瀛洲水一涯
麥隴青青占歲稔
持盈還慮物情奢

恭和

御製藕香榭放舟至鑑遠堂元韻

水榭春深碧遠天
湖隄嵐翠漲痕連
風濤萬壑松聲澈
雲路千盤塔影懸
眺徧芳塘魚躍浪
移來畫舫鷺衝煙
賡歌莫慰

思賢渴欲挹清泉
活火煎

恭和

御製慎德堂述志恭和

高宗古稀詞元韻示軍機大臣內廷翰林等並命賡韻
元韻

皇情兢業見乎詞蒿目時艱切憫悲五夜

勤恩圖保泰四方繼照筌明離未消宇內干戈氣所幸
民生疾苦知惟盼

武功承

祖烈平成

求治益孜孜

庚戌夏日偕全小汀慶考試教習會和聚奎堂壁

間石刻前明王衷白先生詩今復奉

命同典禮闈小汀大司空疊前韻見示次韻奉答

我來鎖院已春深襍被當年幾度臨

余前任京兆丞癸卯甲辰兩次提調

秋闈又武闈繙譯並府試

大宛八旗童生頻來此地典試欣看同水部論文還欲

讓詞林花開十里韶光滿燭盡三條夜漏沈堪歎軍書

尙旁午

憂勤莫慰

九重心

復疊前韻呈許溟生總憲太夫子

乃普

遡說荀陳交誼深

公與余家本多年誼余又與令兄玉年姻誼故識公最早鎖闥今

日幸同臨諫垣領袖為時望供奉清華重藝林公直南齋最久

慧眼明來推識卓文情豪處想思沈公老於文律淵源況是

叨私淑蘊章乙未會試出公門生黃樹齋少司寇門下敢負當年取士心

復疊前韻贈劉韞齋閣學崐

三月韶光棘院深當年分校幾回臨君三次分校衡文曾到

干戈地君由湖南學使旋京未久典試仍遊翰墨林茂苑師門知誼

篤君為余同年盧立峯侍御門生章江舊侶感音沈陳

伯中丞與君同門余亦與世立峯歿後君眷念師門倍摯好舒雲水光中眼不負求

賢

聖主心

闡中懷孔修師暨穆清軒少宰杜繼園少司空

海內紛紛勞武事吾儕默默典文衡偶來鎖院心難忍
別後軍書夢尙驚乍聽刊溝收故土旋聞江浦失堅城
遙知

宵旰憂勤切幾度飛章細柳營

俞叔鸞太史

奎垣

闡中題畫蘭詩有憶從前童試

時作賦舊事和韻奉答

九十佳辰過浴蘭晝長鎖院覺心寬新詩題畫饒風致

細字燈前指眼看

君作二絕細字書扇見貽

還憶揮毫賦水仙黃童對日羨韶年出門一笑豪情劇

碧弟梅兄遜此賢甲辰春余任京兆丞在貢院府試以水仙花賦命題用出門一笑大江橫
七字爲韻叔鸞童年賦筆
清華早歲爲玉堂之品

乞分校諸君暨監試御史書扇志謝二首

虛堂列坐大羅仙
好比瀛洲雅集年分校十八人
紅燭兩行

人不倦揮毫疑到蔚藍天分校皆用藍筆

贈君青玉漫相猜
碧落雲書信手裁
獨有乘驄眞御史

紫泥題字絳宮來監試御史用紫筆

彭子嘉太史瑞毓
以藍筆爲陸星農殿撰畫蓮花

於扇溟生先生已題一絕和韻

供奉清才李謫仙
生花妙筆鬪芳妍
遙知太乙乘船到

頃刻催開玉井蓮

恭和

御製賦得泠泠脩竹待王歸

得園字八韻

元韻

送喜詩吟杜裁箋當晤言
喬松森古徑脩竹倚名園
善也冷風送歸哉舊雨存
篩金濃蔭遠夏玉碎聲繁
个个看成字脩脩聽滿軒
浦雲思帝子芳草憶王孫
栖鳳千竿穩迎聽一笑溫
何如楨榦美珥筆集

金門

恭和

御製四月廿九日敬詣

黑龍潭謝雨至時潤軒理政有作元韻

虔祈膏澤荷

神庥

躬謁

龍潭靈貺酬百級丹梯開古廟三篙碧漲滿寒湫新秧

門外連畦潤

清蹕山中半日留望歲

情殷民事亟

齋心淵默勵

宸修

孫駕航侍讀

輯

招閣中應禮部試者四十五人會

於城南龍樹院張詩舫少寇前輩繪圖紀事榜

發而駕航令叔萊山舍人

毓汶

以第二人及第

詩舫作有會見當階藥中開及第花之句若爲

預兆因題一絕

阿咸好事畫圖新雅慕西園集衆賓詩讖傳來歸大阮
簪花高詠曲江春

出閣贈孫生

毓汶

馬生

元瑞

世閥科名累葉縣師生重訂有前緣淵源追溯乾隆榜

嘉話傳來百廿年

乾隆元年丙辰

恩科先曾祖由修

撰典試山東生之曾祖中式迄今咸

豐丙辰閱百二十年余復得
生於禮部試亦藝林嘉話也

數典無忘閱四傳若於山左有前緣
馬生亦山左人會試第一龍吟

佳句邀

宸賞拔冠南宮諸少年
今科欽命詩題游鱗萃靈沼

本擬第九名進呈時

上拔置第一

園居雨後

雷車輕碾阿香行
摩盪空中霹靂聲
驟雨已過雲腳斷
斜陽還照樹頭明
簷前乾鵲啼初歇
葉底新蟬噪不成
黃犬寄書歸未得
軟紅依舊蔽巖城

吉中丞
兩杭阿鎮江烟墩山殉難詩以哭之

南疆三載久勞師鐵甕城邊斧鉞持馬革裹尸曾未得
江魚葬腹有同悲薊門待築衣冠墓吳地還開忠烈祠
他日扁舟渡揚子滿天神雨捲靈旗

送殷述齋宮庶

壽彭

視學粵東

五羊城畔陣雲開重見星轅取士來

時方補行秋試

已有文章

堪報國爰知器識在掄才家園猶賸籬邊菊驛路先看
嶺上梅盼到江楓漁火境墳簾唱和奏南陔

送黃濟川

貽楫

還蜀省親

閩南盛人才少小見頭角黃生舞象年下筆驚神速拔
之童子軍勛之勤誦讀屈指幾春秋長安歡會續未彈

貢禹冠竟別卞和足生無珣璞情恬淡中不俗惟切望
雲心策馬還西蜀臨行過我廬遐哉志空谷湖山堪共
遊惜子歸期促擊鉢爲贈言濡毫書滿幅願生敦實行
一善膺常服願生覽羣言千載如在目積學勵儒修薪
負當不辱毋爲叩虛靜禪理談西竺毋爲甘蔬筍苦慕
幽人躅孝莫若守身豈徒在勤學定省有餘閒鳴琴慰
幽獨我聞峨嵋峯崢嶸配五嶽絕徑度猿猱飛湍奏琴
筑安得從子遊奮翮雲中鵠行矣我何言山川望縣邈

恭和

御制壽辰喜雨得句元韻

雲開

萬甘澍沛清晨民瘼

求切

天心感格神謳歌聞野老舞蹈徧羣臣撫景

宸衷慰

揮毫翰墨親

采山由運同改官員外簽分工部詩以志喜

詩人例作水曹郎莫歎蹉跎鬢點霜國學儲才開馬帳
冷官搜句滿奚囊回車粵嶺光陰促謁選京華歲月長
故里烽烟歸不得且從何遜共清狂

懷元修廬州軍營

人海茫茫憂思深還能撫劍發狂吟愁來恨乏匡時略
老去徒懷倦世心憶昔鎖關遷秩共甲辰秋共事順天關中元脩擢盛京
侍郎余亦遷通政副使憐今戎幄病魔侵君時因病乞假關山滿目多荆
棘何日飛鶚送好音

附錄和作

鼙鼓荒城秋氣深那堪倚劍動龍吟三年烽火凋華
髮百戰風霜見素心銀漢月明人共望珠江星落浪
休侵蓬萊縹緲重回首青鳥何時寄好音

書贈龔生嘉偶蔣生彬蔚

樂階多半大羅仙

數十年來由舍人登第者如吳淪齋龍翰臣吳竹巖及今科孫萊山皆登

一甲趙子白梁矩亭

歎我無緣到木天只有滇南龔水

陳竹伯皆遊翰苑

部堪將衣鉢付真傳

龔生由舍人中式分工部與余當日相同

第一科名世本稀出藍差喜玉堂歸近時江左通經彥

紅豆潛研望汝幾

蔣生中式第二與余同而得館選又博通經學故有出藍之譽

家玉樵兄有詩寄懷奉答二首

少小同居復同學平生辛苦兩相知中年作別今皆老

遠道郵書答尙遲疏布苟完儒者願干戈未息旅人悲

羨君嘯傲煙霞裏已到先人志矩時

六世祖雲客公年七十顏其室曰志

矩齋今兄年

亦七十矣

還鄉又閱七春秋

余己酉冬由閩南還朝道出里門

時事茫茫水上漚

塵海徒增身世感江天不盡古今愁羽書紛至難高枕
盾墨磨殘愧運籌漫幸承

恩門閣盛每懷覆餗我心憂

兄以余拜協揆之典試春官疊次蒙

命又賜御

筆書畫爲家門光寵而余自顧不材忝居重任彌增悚惕也

康熙朝五世祖侍講公里居

聖祖南巡

賜御書二幅泐碑於東壁亭今亭日久將圯余命諸兒

葺之玉樵兄有詩志喜奉答一首

歸田無日渺愁余分俸還堪葺故居二百年來

恩澤渥三千里外笑顏舒衣言應共懷堂構

余家衣言堂嘉慶中

曾偕兄修葺

述德還期保墓廬

道光戊申余曾葺累世祖塋惟丙舍尚未修築况荷

天題頻

寵錫衡茅鐫石待懸車

比年蒙恩頒賜御筆他時當一并鐫石亭中以志榮遇

振山弟有詩寄懷奉答二首

玉樹肩隨有幾人

祖慈居玉樹山房時諸孫在膝下者惟余兄弟及振山耳鋤雲共

讀倍相親治生乏術憐同病避地無方幸已貧花木我

還懷故宅琴書君慣伴閒身幽栖仲蔚蓬蒿逕終勝銅

街十丈塵

老去心憐手足親飄零賸有兩三人一居河北二江左

安齋弟就養湯陰官廨弟與楚翹家居

我滯天涯汝水濱出岫雲難歸故

岫迷津客更問前津山房後會知何日

己酉冬余自閩歸會諸兄弟於

一相山房欲向鯨溪理釣綸

恭和

御製七月九日感述元韻

瑤池鶴駕西歸日愴慕

微音憶隔年

禰祀升香更歲月

山陵遙望護雲煙

有懷直與

二人共罔極長教百慮煎苑樹秋聲重入耳殘荷愁滴
露珠圓

太常仙蝶自去夏至今屢至寓齋感而有作

有蝶四足厥翅黃是名仙蝶出太常心憎塵世不輕至
偶然飛集人稱祥去年尋我玉螭橋秋風重見來山莊
今春幾度點苔砌伴人不嫌庭草荒干戈未息老將至
問有何瑞來翱翔毋乃

天子得名將桓桓貔虎三軍張迅掃江上鯨鯢族坐令
日月生清光又聞江南歲大旱赤地千里田無秧其或
甘霖旦夕沛烝民粒食天降康二者皆在休徵列得一

足以慰我

皇遷官進秩一身事仙蝶何勞來我旁

病後聞秋蟬

病裏聞蟬心愈躁病瘳蟬已帶秋聲悠揚遠樹斜陽淡
斷續高樓夜月明羨爾吟風雙翅健傲人飲露一身輕
會看遺蛻成尸解早悟浮生本化生

聞九華山失守懷喬仙姪

姪在九華
軍營幕中

從戎非汝願履險爲饑驅生死傳聞異蒼黃作計迂或
言逢陌路曾見披奚奴果是真消息天涯慰老夫

吉中丞殉難未久向提軍又病故陷城未復逆燄

愈張遙望江南慨然有作

掃墓兩旬留江干阻石尤

己酉冬事

辭家今七載禦寇閱三

秋名將連番失兵儲百計籌旱災吳越共何處汎秦舟
兵分勢漸孤募勇雜奸徒攫食獐狼虎臨軍怯鼠狐采
薇歸尚緩蔓草慮難圖內患先宜靖森嚴憶亞夫

粵海奸民衆浮航逐利來依人靡不去玩法禍之媒攘
奪逾強寇鄉閭伏近災可能回勁旅掃此劫餘灰

避地栖空谷年荒亦不安隣來傾囊粟市遠乏殮盤鼓
柩尋歸路持戈辦飽餐時聞風鶴警晝夜使心寒

八月十二日

名對靜明園涵萬象恭紀

久雨初晴秋氣爽烟嵐潑翠繞

離宮隔窗鳥語喧林表捲幔湖光入鏡中簪艇放篙新

漲綠石梁策騎曉霞紅甘霖此地欣霑足江左雲霓望

碧空

時聞江
浙大旱

春湖弟作令粵東有詩留別次韻送行

幾度春明坊下別每教離思落花深今看嶺樹吹紅葉
待植甘棠憩綠陰清白相期承世德廉能不負守官箴
車塵撲盡還航海憐爾臨行款款忱

借園八景

壬子春假孔修師園寓居半載今又居此一年
矣庭中有古柏修篁藥欄藤架牆纏薜荔籬植
黃花疊石如山小樓延月春秋佳日流覽怡情
因題曰借園而系之以詩

古柏

森森古柏後凋姿歷盡冰霜勁節支
留得清陰消暑氣薰風庭院午晴時

叢竹

西窗叢竹景偏幽
謾謾清風滿徑秋
一枕遽然莊夢醒
羲皇高卧不知愁

藥欄

階前紅藥我新栽不及陳根爛漫開始悟十年期樹木
幾經雨露受滋培

藤架

簾外枯籐花下垂花開香色總相宜盤拏老榦龍蛇伏
絡石穿林態崛奇

荔牆

薜荔牆邊細雨收空濛冷翠一庭秋黃梅時節蜺蜺畫
不似人間顧虎頭

短籬

竹籬門對夕陽開
野草閒花滿地栽
苔徑不堪延俗客
太常仙蝶偶飛來

疊石

瘦石玲瓏開逕新
倪迂獅子出風塵
嶙峋縱比淮南小
五岳天涯結比鄰

小樓

小樓高傍畫堂東
落日開簾面面風
最好清秋明月夜
千家燈火笛聲中

飛蝗歎

飛蝗來蔽天
食我田中粟
頃刻空連畦
野老吞聲哭
三

冬釜無炊入口誰爲育腰鑣帶夕陽刈穫恐不速未熟
早登場終勝飽蝗腹百里秋塍空羣飛還斷續惟

帝念民依

下詔咨人牧已成雲漢憂迅掃螟螣族三輔吾股肱斯
饑憐鄙屋或議免催科或謀哺糜粥務使民困蘇不憖
遺糈獨南疆久稱兵軍餉半黍菽中原河患頻嗷鴻飛
滿目旱災連吳越巨浸成溝瀆蝗亦及東南紛紛見奏
牘

國計與民生籌畫荒年穀

聖主勵朝乾世運豈終剝補助沛

恩膏行見天心復

時議發帑賑濟

八月二十九日奉

敕恭題

御筆求駿圖敬成七言古詩一章

燕山秋高苜蓿長驂駒伏櫪思超驤

九重蒿目念吳楚風塵千里弧矢張覩茲神駿懷遠略
安得名將掃八荒

繪圖意在安天下凜如朽索馭六馬見蝗有

詔恤羣黎憂旱

命官巡四野

宵旰勤勞

聖主心霜蹄入廐豈從禽早嗤赤水湟中產何事瑤池
域外尋

揮毫尺幅英姿壯屹立闔闔依

天仗功成應向華山歸羣空先自金臺訪由來致治重
求賢騶虞官備風詩傳果有王良能執轡何勞祖述著
先鞭

朝廷經緯兼文武元戎十乘驂如舞蓮葉千旗畫烏蛇
桃花萬騎驅貔虎何時薄伐歸南仲早奏膚公燕吉甫
年年西塞貢蒲萄

天閑十二揚玉鑣凱旋還欲康侯錫

恩賚榮酬汗馬勞

送陸稼堂至盛京閱視

永陵水道

遍覽名山厯九州

陪都此去豁雙眸天臨北極星辰迴地接東瀛閭嶠浮
沮漆清波來紫塞邵幽王氣固金甌憑君試手休祥集
規畫功應萬禩收

九日感懷

黃葉舞空庭秋盡天寥廓短晷逼暮年我懷已蕭索况

抱饑饉憂秋田無刈穫師旅還未休水旱復相錯哀此
蚩蚩氓生涯將何託誰傳辟穀方活人嗟無藥孤負登
高辰林昏噪寒雀籬邊野菊芳對酒不能酌

盆桂

寂寞山齋秋桂新拋來金粟未全貧石家幾尺珊瑚樹
有色無香枉傲人

盆菊

籬菊分栽老瓦盆白衣送酒叩柴門暫留車馬紅塵客
相對秋光共一樽

憶寶藏寺舊遊寄懷林岵瞻廉使揚祖關中

憶昔軍書罷尋山興共幽

辛丑壬寅間軍務方殷同人不敢遠遊至癸卯事定帖瞻

始邀遊寶藏寺

於今費籌筆又閱幾春秋何日聯高詠開襟滌

古愁題詩寄函谷應亦夢

皇州

宗山畫金鰲玉竦風景宛然因題二絕

潑墨煙雲生腕底閉門五岳臥遊中長虹跨水非凡境

玉宇瓊樓有夢通

玉竦橋西久結廬蓬萊本是列仙居三秋來下陳蕃榻

壺嶠風光倦眼舒

送謝甥

嘉季

作令浙江

看汝少年今老大彈冠忽現宰官身儒生餘事堪從政

本居言金 卷之二
廉吏高懷不厭貧湖上鶯花宜作客江干鼙鼓正愁人
相逢幾日重相別誰識天涯後會因

山僮

山僮荷擔來中庭掃落葉攜歸作爨薪疏飯聊自給生
涯亦云微人棄汝俛拾於世復何爭古井寒泉汲

教織歌 并序

山西壽陽縣民不知織前明萬厯間有陝西膚

施藍公

尚質

宰是邑始教民織至今利賴我

朝順治間邑生員張

所賦

爲之記今邑人爲建

祠以志遺愛相國祁公作歌徵和未能依韻謹

成一章

冷壽陽民不織無衣無褐中心惻藍公來機杼開千家
織布絮作堆民享其利二百六十有餘載白叟黃童口
祝思賢宰公因教織毀其家閭閻挾纊春無涯公之精
神在蔀屋子孫負薪楚孫叔優孟衣冠忼慨歌古來廉
吏去思多迎神馬首開祠宇伊耆之樂擊土鼓山樞俗
儉本唐風衣裳曳婁今則同君不見廉叔度來何暮蜀
川輿誦聞襦袴卓哉藍公民所慕

恭和

御製

皇考宣宗成皇帝聖訓實錄告成御保和殿受書禮成
元韻

深仁覆燾燕

皇天卅載

幾康愼德先玉笈編成文特富金甌鞏處

祚長繇秘藏石室垂千禩檢校琅函閱七年

朵殿祥雲開五色鵷班舞蹈聽傳宣

姜玉溪

宮綬

以紙索書感成數韻復之

憶昔乘輶過泰安輿人皆誦邑宰賢邀我登岱觀日出

我辭于役難盤桓

丙午秋余視學閩南道出泰安事

瞥眼風花經十載

百丈紅塵蔽人海心灰耳冷不聞名一紙投來喜且驚
方今吏治需才急問君何事來神京老驥安肯終伏櫪
爾雲追電天衢行

十一月朔日蒙

恩擢授文淵閣大學士恭紀

參知纔一載揆席拜

新恩智短難匡國時危敢養尊每思避賢路未忍別
君門重見

昇平日家園把酒樽

十一月朔日

宣宗成皇帝聖訓實錄告成

上御保和殿受書太和殿受賀禮成

藎章蒙

恩賞加二級越日復

賜銀幣鞶馬彩緞筵宴於禮部恭紀

天上琅函萬禩垂文謨武烈後人師
書藏石室泥金檢
賜重雕輦雜絲施三品貢餘行大賚
五車載到整朝儀
開筵晉秩

君恩渥多愧三秋授簡遲

章充總裁
僅三載

二銘大司農新拜協揆之

命詩以志慶

虞山世闊擅清華
寅亮今看重任加
舊夢前身疑碧玉
見公記夢之
作余有和篇

新恩同日捧

黃麻

是日余奉命入閣

軍書曾折東山屐

長君蒞房督師

餘慶

還簪

上苑花

季子叔平今科廷對第一

杜斷房謀裨

聖化

昇平重覩願非賒

哭座師文文端公四首

旃蒙協治歲始幸列門牆
洎公贊樞密三載侍公旁
分

攜幾寒煥鎖闥事同將羣小多玩法糾察恨未詳同時
干吏議罷斥分所當幸荷

聖明宥寒谷回陽光

萬里忽遷謫窮荒白髮新還朝仍顯秩淬勵感

君恩乘軺莅南北鞠獄兼衡文山川勞跋履藥裏常隨
身銓衡總百職筦籥司九門

帝眷方優渥艱哉盡瘁臣

樞廷公再至我時在閩山比我歸京國公又旋去官去
官亦不久畿西共盤桓鳩工有暇日唱和心同歡古寺
秋風冷階前黃菊殘策馬數相見傾樽情共閒

鳩工易
州時事

閒身難再得復擢爲司農竭慮籌金粟軍儲千里供彈
指又三載樞幄重相逢公本

顧命臣

聖主加優容獻納吐肝膽精白盟心胸秉鈞勞夙夜蹇
蹇占匪躬方期濟艱難協力亮天功何圖騎箕日海宇
未銷鋒遺章達

九陛

恩遇優飾終逝者已無憾青史留貞忠吾徒將安仰目
送水流東

壽陽相國以華岳圖見贈賦謝

平生耽林壑所志止一邱岱宗曾登眺四岳皆未遊投
我太華圖公意在山陬蓮花三峯矗氣象何崢嶸其高
五千仞天半煙雲收下有茅龍躅一去今千秋金堂與
石室仙蹤不可求公從政事堂解組言歸休當著謝公
屐名山勝景搜蹉跎爲戀闕京國還羈留我未遂初
服世故當分憂何時攜筇杖長嘯萬峯頭披圖坐嗟歎
仰望空悠悠

十二月二十八日蒙

恩賜御書龍字并御用狐皮蟒服恭紀

宸翰頒來重夜光作霖憂旱寄心長龍書磅礴雲千疊

蟒服焜煌錦七襄潤物寶瀛涵

聖澤拊民挾纁轉春陽幸邀

異數羔絁外濡翼還憂刺在梁

靜濤大司農入直樞廷旋拜協揆之

命奉贈一首

憶從

秘殿理瑤編

乙巳四月奉

命乾清宮

度地鳩工又

幾年

庚戌同辦

昌西陵工

持節灤陽車年返

都統還一朝

任大司農

綸樞院袂重聯羽書未息勞籌筆

黼座思艱在任賢朝野傾心望霖雨黃麻

詔旨喜傳宣

附錄和作

佩誦松風閣上編後塵趨步漸頻年

自乙巳與公共事迄今一星終

矣

不圖薇省花輒侶更許樞廷玉轡聯

九陛絲綸重端揆一時手筆景高賢卽今

宵旰煩

丹戾媿乏謨猷敷日宣

歲暮懷人八首

解組原知生有涯偏逢兵燹歎無家
婁江僻處茅廬在

白髮當春且看花 錢伯瑜中丞太倉

憶從樞府共揮毫歸卧滄洲聽海濤江上烽煙還未斷

狼山遙望陣雲高 王叔原方伯通州

谷口風流數老成一麾還喜近 神京君出守順德 退歸依

舊難高枕汝水東流鼓角聲 鄭春溪太守羅山

聞山三載仰謨猷航海曾聞萬里游必在圖成償素願

公有則吾必在圖 經綸都向卷中收 劉玉坡制府汝上

敦良家風勵閭修 尊甫廣軒先生理學名家著有敦良齋集公承家學植品甚高 浮沈

閩海幾春秋歸田還復馳戎馬寇去身閒古籍搜 徐公

籠中丞五臺

同年鄉舉幾人存
開府南天偉望尊
故里從軍嗟老病
萑苻叢裏息邱園

徐仲紳制府河南

荔支聯詠樂時平
一別吟壇歲月更
海滌年來風鶴警
三山遙望不勝情

楊雪椒光祿福州

水部同曹君最少
蹉跎今亦髩如絲
里門禦寇無長策
爆竹聲中獨祭詩

蔣心香水部蘇州